



Digitalizacija katastra

INFO BILTEN OPĆINE CAZIN



Turistička signalizacija u općini



Općinske stipendije



100 godina vatrogastva

Uvodna riječ načelnika općine



Dragi sugrađani, prijatelji i posjetioci

Ovom prilikom Vam predstavljamo VII broj općinskog info biltena, kao znak naše opredjeljenosti da kontinuirano komuniciramo sa svojim ciljnim javnostima, o svim značajnim projektima i aktivnostima u općini Cazini i općinskom organu uprave. Važno je reći da smo svojim promotivnim aktivnostima nastojali stvoriti pozitivnu i prepoznatljivu sliku o našoj općini, čemu svakako doprinosi i CazINfo. Ocijenjeni smo kao vrlo produktivna, vrlo inventivna, samoinicijativna i sposobna radna sredina koja može da se nosi sa izazovima moderne tehnologije i evropskih standarda. Iskreno se nadam da ćete barem dio takvih ideja i nastojanja pronaći i na stranicama ovog biltena.

Devet novih projekata u općini Cazini

Uspješna realizacija mnogih projekata u općini Cazini nastavlja se i dalje. Dana 21. septembra 2010. godine potpisano je devet novih ugovora, čija implementacija slijedi u narednom periodu, a ukupna finansijska vrijednost svih projekata iznosi više od pola miliona KM.

Prema riječima direktora Komunalno stambenog fonda, Ibrahima Tatarevića, riječ je o četiri nova putna pravca, izgradnji pješačke komunikacije pored dječijeg obdaništa, projektu rasvjete u MZ Ljubijankići, sportskom igralištu Bujadnica i nabavci cijevnog materijala za fekalnu kanalizaciju.

Pored izvođača i predstavnika građevinskih odbora potpisivanju je prisustvovao i općinski načelnik, koji se još jednom zahvalio našim građanima na inicijativi i učešću u realizaciji projekata te dodao: **“Ovi projekti su dio naših planskih aktivnosti i prije svega nas raduje da će građani osjetiti korist i zadovoljstvo njihovom realizacijom. Naravno, svaki od ovih projekata zahtijeva ozbiljnu organizaciju i angažman velikog broja ljudi, općine i Komunalno stambenog fonda. Ali, naša obaveza je da i ubuduće pronalazimo načina da podržimo inicijativu i volju naših sugrađana”**, rekao je načelnik Ogřešević.



Doniran rasipač abrazivnog materijala JKP Čistoći ■



NJ.E. češki ambasador Tomáš Szunyog posjetio je 16. septembra 2010. godine općinu Cazin zajedno sa predstavnicima firme Geotest Brno iz Češke Republike i BiH. Ovom prilikom je Zimskoj službi JKP „Čistoća“ doniran rasipač za abrazivni materijal u vrijednosti od 89.471,00 KM.

Prijem u kabinetu načelnika općine protekao je u razgovorima o Projektu češke razvojne saradnje koji završava svoj prvi krug nakon pet godina intenzivnog djelovanja na prostoru BiH. „**Od 2011. do 2017.godine počinjemo sa novim krugom projekta putem kojeg bi u BiH trebalo biti uloženo više od 5 miliona KM. To znači da nam ova zemlja i dalje ostaje prioritet**“, rekao je ambasador Szunyog.

Načelnik Ogršević se zahvalio na vrijednoj donaciji i istaknuo da će općina Cazin u svojoj budućnosti nastaviti razvijati dobre odnose

sa stranim vladama, donatorima i svakako potencijalnim investitorima. „**Naš je zadatak da opravdamo ukazano povjerenje, da sve ove donacije stavimo u funkciju za naše građane i da stvaramo ambijent prosperiteta, zajedništva i tolerancije**“, istaknuo je načelnik Ogršević i uručio ambasadoru i gostima prigodne poklone.

Tokom sastanka se razgovaralo i o privrednim potencijalima naše općine, kulturnoj saradnji i potencijalnoj razmjeni studenata. Ambasador Szunyog je rekao da će češka vlada svoje djelovanje u narednom periodu pored okolišne sanitacije proširiti na privredu, socijalnu zaštitu i obrazovanje.



Jonathan Moor u posjeti općini Cazin



U okviru posjete našem kantonu, otpravnik poslova američke ambasade u BiH, gospodin Jonathan Moor, susreo se i sa načelnikom naše općine i njegovim saradnicima. Razgovaralo se o društvenoj i ekonomskoj situaciji u našoj lokalnoj zajednici, planovima za budućnost, evropskoj perspektivi naše regije i odnosima sa susjednim

općinama u BiH i Hrvatskoj.

Na samom početku razgovora načelnik Ogřešević je govorio o "ličnoj karti" naše općine, poduzetničkom duhu naših građana, razvoju trgovinskog centra regije u općini Cazin i jačanju kapaciteta kroz razne međunarodne projekte u kojima sudjeluje naša administracija. **"Ponosni smo na samoinicijativnost naših sugrađana i realizirane projekte koji su omogućili bolje uslove života i rada u našoj sredini"**, istaknuo je načelnik Ogřešević.

Gospodin Moor je ovom prilikom rekao da je cilj posjete prikupljanje informacija iz prve ruke, jer se najveći dio problema dešava upravo na lokalnoj razini i upravo su na toj razini rezultati projekata

najviše vidljivi. Istaknuo je zadovoljstvo zbog ukazanog gostoprimstva i rekao da će podrška američke administracije u narednom periodu biti najviše usmjerena u infrastrukturne projekte u kojima vidi i našu općinu.

U znak zahvalnosti i uspomene na našu životopisnu lokalnu zajednicu, načelnik Ogřešević je gospodinu Mooru uručio sliku "Cazinske kapije" i prigodan poklon pčelarskih proizvoda cazinskih pčelara.

Nakon razgovora u kabinetu i posjete Centru za pružanje usluga građanima u našoj općini, koji je realiziran u saradnji sa GAP-om, gosti su se uputili u obilazak Starog grada Ostrožca.



22 nova volontera u organu uprave

Činom potpisivanja ugovora, svoj radni status za narednu godinu obezbijedila su 22 volontera, koja su primljena u organ uprave općine Cazin. Ugovore je potpisao načelnik općine i uputio volonterima riječi dobrodošlice. **"Vrata moga kabineta su Vam uvijek otvorena. Uvažavajte Vaše kolege i nadređene, a vjerujem da će i oni onda uvažavati Vas. Nastojte kvalitetno iskoristiti vrijeme koje ćete provesti u administraciji općine i pokušajte odavde odnijeti kvalitetno znanje koje će vam omogućiti da se dalje borite za vašu budućnost"**, rekao je načelnik Ogřešević okupljenim volonterima.

Svoja iskustva ovogodišnji volonteri će sticati u svih sedam službi, što znači da će bez obzira na zani-

manje proći svaki sektor rada organa uprave. Sa ostalim obavezama, dužnostima, ali i pravima, upoznao ih je savjetnik načelnika općine, Hamdija Ljubijankić, koji je popratio nekoliko generacija pripravnika u našoj općini.



Posjeta delegacije SDC općini Cazin

Načelnik općine Cazin i Jedinica za implementaciju projekta GOV-WADE ugostili su 30. augusta ove godine Šefa odjela SDC-a za zapadni Balkan, gospodina Alfreda Fritschija i direktora SDC ureda u BiH, gospodina Thomasa Ruegg-a. Razgovarali su o iskustvima općine Cazin u implementaciji Projekta dobre uprave u oblasti voda i zaštite okoliša, primjerima dobre prakse u BiH i regionu, planovima naše općine za naredni period realizacije projekta i sl. Prema riječima gospodina Fritschija, švicarska vlada je zainteresirana za uspostavljanje partnerskih odnosa između općina u njihovoj i našoj zemlji, jer budućnost upravljanja projektnim ciklusima vide upravo u saradnji na lokalnoj razini.



Članovi Jedinice za implementaciju projekta su upoznali goste sa Planom aktivnosti ovog projekta, koji je dobio najviše ocjene njihovih struktura, zbog svoje ambicije i konkretne realizacije. Naglašeni su i partnerski odnosi sa građanima i njihova nesebična podrška u infrastrukturnom jačanju, što je gostima bilo vrlo zanimljivo, jer se radi o jedinstvenom modelu odnosa sa građanima.

“Kroz ovaj projekat smo uspjeli ojačati svoje kapacitete i formirati tim ljudi koji se može nositi sa zahtjevima SDC-a. Radili smo i na međuopćinskoj povezanosti i kvalitetnijoj komunikaciji, što je rezultiralo većim preuzimanjem određenih inicijativa na lokalnoj razini kada su u pitanju vode i zaštita okoliša”, rekao je načelnik Ogrješević u odgovoru na pitanje o rezultatima Projekta GOV-WADE u našoj općini.



Potpisan Ugovor za digitalizaciju katastra općine Cazin

Sredinom augusta ove godine načelnik općine Cazin i direktor Federalne uprave za geodetske i imovinsko-pravne poslove potpisali su Ugovor o zajedničkom finansiranju poslova izmjere i katastra općine Cazin. Predmet ugovora je i softver za provođenje promjena u katastru kojim će općina brže i kvalitetnije odgovarati na zahtjeve građana u oblasti nekretnina i vlasničkih odnosa.

Prema riječima direktora ove Uprave, gospodina Željka Obradovića, projekat je osnova za rješavanje prostornih problema lokalne zajednice kao što je općina Cazin. Vrijednost usluga koje su predmet Ugovora iznosi 150.000,00 KM, od čega Federalna uprava ulaže 50.000,00 KM, a općina Cazin 100.000,00 svojih sredstava. Usluge će se pružati u fazama, a 31.12.2011. godine je predviđen kao rok za završetak cjelokupnog projekta.

Buduće projekcije Uprave se zasnivaju na ideji jedinstvene baze podataka za zemljišne knjige i katastar. Rukovode se idejom sublimacije sredstava iz budžeta, raznih donacija i kreditnih sredstava koje transferišu prema općinama za rješavanje problema reforme zemljišnih knjiga i katastra.

Nakon potpisivanja ugovora, održana je prezentacija za predstavnike svih 8 općina USK o projektima koji će u budućnosti biti realizirani na prostoru FBiH. Zbog toga je načelnik Ogrješević naglasio važnost uključivanja svih lokalnih jedinica u ove procese koji trebaju uvesti inovacije u rad administracije, a baziraće se na evropskim trendovima u ovoj oblasti.

Važno je napomenuti da su predstavnici Federalne uprave za geodetske i imovinsko-pravne poslove označili općinu Cazin kao pozitivan primjer rješavanja problema iz oblasti geodezije i katastra nekretnina. Prema njihovom mišljenju naša općina prednjači u inicijativama za digitalizaciju katastra u odnosu na ostale općine našeg kantona.

Potpisani ugovori za općinske stipendije 2010 ■



Prema rezultatima javnog konkursa ove godine je općina Cazin dodijelila 231 stipendiju za studente. Ranije stipendije koje su se dodjeljivale za učenike srednjih škola, ove godine će izostati u takvom obliku, ali će biti dodijeljene subvencije za prevoz učenika.

Svečanost potpisivanja ugovora upriličena je u sali Doma kulture, na kojoj je prisustvovao i općinski načelnik. **„Naša vizija je da ovu sredinu učinimo obrazovno konkurentnom, da školujemo što veći broj mladih ljudi i da u budućnosti koristimo njihova znanja za**

napredak općine Cazin. Nadam se da će ova finansijska podrška biti od koristi i studentima i njihovim roditeljima u smislu da olakša njihova mjesečna izdvajanja“, rekao je načelnik Ogrješević u obraćanju prisutnim studentima i roditeljima.

Opredijeljenost općine Cazin da ulaže u obrazovanje i da pomaže svojim učenicima i studentima potvrdila je i analiza CCI prema kojoj se naša općina nalazi u samom vrhu onih lokalnih zajednica koje u odnosu na bužet izdvajaju najveći procenat u svrhu stipendiranja i koje ujedno dodjeljuju najveći broj stipendija.



Sastanak članova ORT-a sa predstavnicom UNDP-a ■

Gospođa Marina Dimova posjetila je općinu Cazin kako bi sa načelnikom općine i predstavnicima Općinskog razvojnog tima razgovarala o rezultatima rada na socio-ekonomskoj analizi općine Cazin. Radni sastanak je započeo prezentacijom Izvoda iz analize koju je izložio Suad Rošić, koordinator projekta izrade općinske razvojne strategije u okviru projekta ILDP-a, podržanog od strane UNDP-a.

Ova analiza predstavlja sastavni dio Strategije razvoja općine Cazin, koju je gospođa Dimova ocijenila kao visokokvalitetnu i vrlo ozbiljnu pretpostavku planiranja budućeg razvoja naše sredine. Ona smatra da općina Cazin pokazuje odlične rezultate u odnosu na druge partnerske općine koje također učestvuju u ovom projektu. **„Moram reći da sam pozitivno iznenađena i da imam obavezu pohvaliti rad članova ORT-a koji su nesebično radili na ovom projektu i došli u fazu koja ih postavlja na prvo mjesto u implementaciji ove ILDP metodologije“**, rekla je gospođa Dimova, projekt menadžer UNDP-a.

Naredni koraci u procesu izrade strategije su budžetiranje, revizija i usvajanje strategije. Za očekivati je da implementacija ovog plana krene već u 2011. godini, jer su stvorene sve bitne pretpostavke koje će ovu strategiju učiniti realno ostvarivom. Međutim, načelnik općine je naglasio da pitanje razvoja općine nije samo pitanje institucija i javnog sektora, već i pitanje svakog građanina i pojedinca koji živi u toj sredini. **„Također treba imati u vidu da razvoj lokalnih zajednica moraju pratiti i viši nivoi vlasti. Neophodna je sinergija rada građana i uprave na lokalnoj razini i koordinacija općine sa ostalim nivoima vlasti u BiH“**, rekao je načelnik Ogrješević.



Cazinski pčelari brendirali kestenov med

U organizaciji općine Cazin i Udruženja pčelara „Kesten“ velikom broju zvanica i građana pripremljen je bogat i atraktivan sadržaj promocije uspješnog brendiranja kestenovog meda. Naime, udruženje pčelara „Kesten“ iz Cazina postalo je korisnik prve geografske oznake kontrolisanog porijekla i kvaliteta u BiH za kestenov med cazinske krajine. Ovu prestižnu oznaku našem marljivom udruženju dodijelio je Institut za intelektualno vlasništvo BiH. Podaci o stečenom pravu na kojim se štiti geografska oznaka porijekla pčelinjeg meda od kestena objavljeni su u Službenom glasniku Instituta.

Tim povodom su u subotu, 11.12.2010.godine prostorije JU „Gimnazija“ bile pune prijatelja naših pčelara, građana i pojedinaca zaslužnih za uspješnu realizaciju ovog trogodišnjeg projekta. U uvodnoj riječi predsjednik Udruženja, gospodin Mesić, ističe veliku zahvalnost institucijama i pojedincima koji su im bezuvjetno pomagali u njihovoj namjeri da zaštite proizvod koji je postao



brendiranje jednog cazinskog proizvoda. Značajno je da čuvamo vrijednosti i kvalitet naših prirodnih bogastava i na taj način obezbijedimo preduslove za kvalitetnu proizvodnju autohtonih proizvoda. Prilika je ovo za produžavanje tradicije pčelarske proizvodnje u Krajini i proširivanja tržišta. Stvorila se perspektiva da kestenov med postane brend, prepoznatljiv i na regionalnom tržištu, što svakako trebamo iskoristiti“, rekao je načelnik Ogrješevici u svom obraćanju.

Uprilичena je i prezentacija proizvoda od meda, uz bogat kulturno-zabavni program koji su upotpunili članovi KUD „Hasan Mujezinović“ i „Cazinski tamburaši“.

Prisutni su imali priliku pogledati i kratak film o radu Udruženja „Kesten“ i kratku prezentaciju o načinu sticanja statusa ovlaštenog korisnika GOP. Potom su uručene plakete i zahvalnice najzaslužnijim ustanovama i pojedincima, a kraj manifestacije obilježio je okrugli sto na temu: „*Kesten i med, prirodni saveznici cazinske krajine*“. Moderator ovog naučnog skupa bila je prof.dr.sc.Vildana Alibabić, profesorica Biotehničkog fakulteta u Bihacu.

prepoznatljiv na širem teritoriju BiH po svojoj kvaliteti i jedinstvenosti. „*Oznaka kojom je obilježen naš proizvod jeste garancija da proizvod predstavlja permanentni kvalitet, da je proizveden u uslovima kontrolisane sljeditivosti proizvodnje, što znači da će biti praćene sve komponente procesa nastanka ovog meda*“, rekao je Mesić.

Jedan od najzaslužnijih pojedinaca kojem je ovom prilikom uručena i plaketa u znak zahvalnosti je i načelnik općine Cazin. Na početku ove manifestacije pozdravio je prisutne, čestitao pčelarima na uspjehu i istrajnosti u radu i obećao podršku za ovakve i slične projekte u narednom periodu. „*Moram reći da je veliko zadovoljstvo prisustvovati svečanosti kojom se obilježava uspješno*



Obilježžen Dan šehida u općini Cazin ■

U Cazinu je obilježavanje Dana šehida počelo polaganjem cvijeća na centralnom šehidskom spomen obilježju, nakon čega je proučen i Jasin-šerif pred duše šehida naše domovine.

U svim džamijama je prema programu bilo predviđeno učenje tevhida, a centralna manifestacija se ove godine desila u naselju Kličiči, gdje je svečano otvoreno novoizgrađeno šehidsko obilježje. Prisutnima su dobrodošlicu izrazili imam džemata Kličiči Mehmed ef. Borić i predsjednik građevinskog odbora Fikret Kličić.

O značaju obilježavanja ovog dana govorio je glavni imam MIZ Cazin prof. Said ef. Mujakić. „*Ovdje smo zbog jednog plemenitog cilja i pozivam sve da se borbom za naprednu, prosperitetnu i slobodnu Bosnu i Hercegovinu prisjećamo njenih sinova koji su dali svoje živote za te iste ciljeve*“, rekao je ef. Mujakić. Prisutnima se obratio i premijer USK-a Šemsudin Dedić, kao i ratni komandanti Hase Kovačević, Ibrahim Nadarević, Amir Avdić i Muhamed Hamdo Delalić.

U ime općine Cazin, koja je najvećim dijelom i finansirala izgradnju ovog obilježja, prisutnima se obratio općinski načelnik Nermin Ogršević. „*Naša borba je uzela velike žrtve, ali će imati smisla ako sjećanje na nju prenesemo pokoljenjima koja dolaze poslije nas. Raduje me činjenica da je općina Cazin podržala izgradnju ovog obilježja u naselju Kličiči, a radićemo to i u budućnosti za sve*



slične projekte“, riječi su načelnika Ogršević.

Obilježje na kojem su imena šehida ovog naselja svečano su otvorili pripadnici njihovih porodica, na čijim licima je vidljiva tuga zbog gubitka voljenih, ali i zadovoljstvo što se na ovaj način sprječava zaborav na njihove sinove.



Otvoren Društveni dom u Čizmićima

U MZ Čizmići veliki broj mještana je prisustvovao svečanosti otvorenja prostorija Društvenog doma. Izgradnja ove multifunkcionalne zgrade počela je još 2006.godine, a danas služi kao društveno korisni prostor u kome će biti smještena kancelarija MZ, RVI, sala za sastanke i jedan prostor koji će služiti u komercijalne svrhe. Mještani su mislili na samoodrživost ovog prostora pa su predvidjeli određenu kvadraturu za prodavnicu koja će im omogućiti da pokriju troškove svojih aktivnosti.

Otvorenju je prisustvovao i načelnik općine Nermin Ogrješević, koji je čin otvaranja ovih prostorija prepustio članovima porodica šehida i poginulih boraca. Nakon toga je čestitao svima na uloženoj trudu i zajedničkoj istrajnosti da se ovakav projekat dovede do upotrebne faze. „*Izgradnjom ove zgrade možemo reći da je MZ Čizmići prilično infrastrukturno zaokružena i da će omogućiti svojim mještanima realizaciju mnogobrojnih aktivnosti*“, rekao je načelnik Ogrješević.

Predsjednik MZ je izuzetno zadovoljan što je uspio privesti kraju projekat vrijedan 200.000,00 KM. „*Završen je uz pomoć općinskih i kantonalnih vlasti, u čemu se vidjela vrijednost koordinacije i zajedničkog djelovanja na terenu*“, rekao je gospodin Salih Mujadžić, predsjednik ove MZ.



Reciklažno dvorište općine Cazin dobilo tri nova preskotejnera



Donacijom tri preskotejnera JKP Čistoći od strane firme Geo-test Brno, nastavljena je uspješna saradnja u okviru projekta inostrane pomoći Vlade Češke Republike. Riječ je o kontejnerima sa automatskim hidrauličnim presanjem zapremine 10m³, koji sabijaju komunalni otpad u prosjeku 5-10 puta, čime se znatno smanjuju troškovi odvoza otpada na deponiju. Ukupna vrijednost ova tri preskotejnera iznosi 62.000,00 KM.

Predstavnici firme Geo-test Brno, Zdenjek Železnik i Damir Kasum, su izrazili zadovoljstvo dosadašnjom saradnjom i uspješnom realizacijom niza aktivnosti u okviru projekta koji se provodi još od 2006.godine. Prilikom primopredaje ove donacije općinski načelnik Nermin Ogrješević je govorio o značaju projekta upravljanja otpadom: „*Kontejneri su upotrijebili reciklažno dvorište i možemo reći da se time doprinijelo unapređenju kvaliteta upravljanja otpadom na području naše općine, a uz zahvalu našim prijateljima za ovu vrijednu donaciju izražavamo nadu da će se saradnja nastaviti i u budućnosti.*“

100 godina vatrogastva u Cazinu



Da je sigurnost i zaštita građana na prvom mjestu u svakom savremenom društvu, pokazala je i općina Cazin u kojoj je obilježeno 100 godina postojanja vatrogastva. U čast ovog jubileja upriličena je svečana akademija u Domu kulture, kojoj su prisustvovala skoro sve generacije vatrogasaca iz naše općine. Domaćinima su se pridružili i gosti iz Slunja, načelnik općine Cazin sa svojim saradnicima, kao i članovi Dobrovoljnog vatrogasnog društva „Pećigrad“.

Početak manifestacije obilježen je svečanim defileom vozila Vatrogasne jedinice Cazin ulicama općine i prigodnim obraćanjima komandira Vatrogasne jedinice Cazin, Pomoćnika načelnika Službe za civilnu i protivpožarnu zaštitu i prvog čovjeka naše općine, u kojima su se osvrnuli na historijat razvoja i organizovanja vatrogasaca u općini Cazin.

Gospodin Mehmed Glumac, komandir Vatrogasne jedinice Cazin, podsjetio je prisutne na davne godine poslije II Svjetskog rata kada je formirano Dobrovoljno vatrogasno društvo Cazin u čijem sastavu je bilo od 20 do 110 vatrogasaca. Od tada do danas ovo društvo je prošlo kroz četiri transformacije, ali nikada nije prestalo sa radom.

Prema riječima Saida Mujića, Šefa službe za civilnu i protivpožarnu zaštitu u organu uprave općine Cazin, vatrogastvo je zaista djelatnost od općeg interesa što potvrđuju svakodnevne aktivnosti Vatrogasne jedinice. „**Pored operativnog djelovanja, naši vatrogasci rade i preventivno kroz svoje servise, pružaju usluge obučavanja u oblasti zaštite od požara, kontroliraju hidrantske mreže i drugo**“, rekao je gospodin Mujić.

Svi prisutni su se složili da je općina Cazin uložila mnogo truda i sredstava u opremanje i modernizaciju Vatrogasne jedinice koja djeluje u njenom sastavu. „**Danas nam je jedan od ciljeva približiti ovu ideju mlađim generacijama i potaknuti djelovanje na dobrovoljnoj osnovi u okviru oblasti zaštite i spašavanja**“, rekao je načelnik OGREŠEVIĆ.

Našoj općini je posebno značajno postojanje DVD „Pećigrad“, koje ostvaruje dobru saradnju sa Vatrogasnom jedinicom Cazin, ali i mnogobrojnim vatrogasnim društvima u susjednim zemljama. Dokaz tome jesu i sporazumi koje članovi DVD „Pećigrad“ imaju sa Vatrogasnom službom općine Slunj, čiji su predstavnici prisustvovali današnjoj manifestaciji a u znak zahvalnosti i sjećanja na godine uspješne saradnje predsjednik Vatrogasnog društva Slunj poklonio je domaćinima sliku predgrada njihovog grada.

Da bi se pamtila ova manifestacija i njen značaj, najzaslužnijim vatrogascima i vatrogasnim jedinicama dodijeljena su priznanja i zahvalnice koje su uručili gospodin Mujić i načelnik OGREŠEVIĆ.



Završen projekat "Čišćenja obala vodotoka rijeke Mutnice" ■

Općina Cazin, JU Zavod za zapošljavanje USK-Biro rada Cazin i Udruženje sportskih ribolovaca "Mutnica" Cazin potpisali su ugovor o izvođenju javnih radova na čišćenju obala rijeke Mutnice. Vrijednost projekta iznosi 53.025,00 KM, od čega Fond za zaštitu okoliša FBiH finansira 42.420,00 KM, a općina Cazin izdvaja iz budžeta sredstva posebne naknade Službe za civilnu i protivpožarnu zaštitu u iznosu od 10.605,00 KM.

Cilj projekta je čišćenje obala rijeke Mutnice od otpadnog materijala koji je zaostao nakon poplava u periodu januar-mart 2010. godine, preventivno djelovanje i očuvanje voda, riječnih vodotoka i njihove flore i faune. Pored navedenog projektom se utječe na svijest građana o zaštiti okoliša, čime se želi umanjiti dosadašnja praksa nepravilnog odlaganja otpada.



U prvoj fazi ovog projekta Udruženje sportskih ribolovaca je radilo na čišćenju priobalnog pojasa rijeke Mutnice u ukupnoj dužini 3,5 km. Za ove aktivnosti općina Cazin je potpisala ugovor i sa Službom za zapošljavanje o angažmanu 50 nezaposlenih osoba, starijih od 18 godina, kojima je za ove poslove dodijeljena prigodna dnevnicna u iznosu od 35,00 KM za svaki radni dan.

Koordinator projekta je Viši samostalni referent za poslove voda, zaštite okoliša i komunalnih djelatnosti u općini Cazin, gospodin Ibrahim Mujakić. Prema njegovim riječima projekat je doprinijeo uredenju vodotoka rijeke Mutnice i njenih obala, pozitivno utjecao na okoliš i stanovništvo i omogućio radni angažman nekolicini nezaposlenih ljudi. Iste prednosti je naglasio i načelnik općine kao jedan od potpisnika ovih ugovora. **"Ovakvi projekti pokazuju opredjeljenost naše općine da se aktivno uključimo u zaštitu našeg okoliša, na čemu ćemo raditi u narednom periodu"**, rekao je načelnik Ogřešević.

Turistička signalizacija u općini Cazin



Oznake koje građani naše općine mogu vidjeti po gradu predstavljaju jednu od faza u realizaciji projekta „Izrada i postavljanje urbane turističke signalizacije na području općine Cazin“.

Naime, u februaru ove godine naša općina je preuzela od Turističke zajednice Unsko-sanskog kantona (TZ USK) „Studiju urbane turističke signalizacije grada Cazina“ na osnovu koje je izvršen postupak javnih nabavki za neophodne elemente turističke signalizacije.

Projekat je pored učešća TZ USK podržan i od strane Federalnog ministarstva okoliša i turizma kroz sredstva obezbijedena grantom „Transfer za razvoj turizma i okoliša u Federaciji BiH“ za 2009. godinu u iznosu od 4.000,00 KM. U 2010. godini općina Cazin je putem Službe za razvoj i poduzetništvo predala aplikaciju na isti Javni poziv u okviru kojeg joj je odobreno 5.000,00 KM.

Prve aktivnosti ovogodišnje IX Kantonalne izložbe stočarstva upriličene su na platou ispred Doma kulture. Uvodne riječi o nastanku, historiji i sadržaju same manifestacije pripale su direktoru JP „Veterinarska stanica“, koji je ujedno predsjednik Organizacionog odbora ove izložbe. Prema riječima gospodina Žunića glavni cilj manifestacije jeste promocija poljoprivredne proizvodnje, stimulisanje uzgoja stoke i približavanje ove vrste privredne djelatnosti mladim generacijama.



Prvom čovjeku naše općine je pripala čast da zvanično otvori ovu manifestaciju nakon nastupa najmlađih članova KUD „Hasan Mujzinović“.

Načelnik je u svom obraćanju skrenuo pažnju na neophodnost zaštite i ulaganja u poljoprivrednu proizvodnju kao jednu od strateških grana naše općine. „Smatram da svi nivoi vlasti trebaju izvršiti svoje obaveze prema poljoprivrednim proizvođačima i pokazati više razumijevanja za njihove rezultate. Jedino na takav način možemo uz manje troškove otvarati nova radna mjesta. Međutim, općina Cazin stoji iza ove manifestacije i svojih poljoprivrednih djelatnika bez obzira na sve ostale“, istaknuo je načelnik Ogřešević.

U okviru otvaranja ove manifestacije upriličena je i izložba slika sa prethodnih izložbi i sajmova u maloj galeriji Doma kulture.



Kao tradicionalna aktivnost, uz prethodno pomenute, organizira se i izložba pčelarskih proizvoda i ljekovitog bilja.



Izložba pasa u Cazinu

Na SRC Alinac u okviru „Cazinskog sajma 2010“ održana je izložba pasa. U odnosu na protekle godine, kada se radilo samo o

je blizu 50 pasa. Prisutni su imali priliku da vide njemačkog ovčara, terijera, bosanskog oštrodlakog goniča-baraka, tornjaka i



izložbi pasa tornjaka, ove godine je izložba ugostila veći broj pasmina. Izložba je bila revijalnog i takmičarskog karaktera, a da bi sve bilo u skladu sa propisima ovakvih izložbi potrudio se međunarodni kinološki sudija za sve pasmine Refet Hadžić.

Učešće u ovoj izložbi uzelo

dr. Mogli su se čuti interesantni komentari i podaci vezani za učesnike, ali i savjeti vlasnicima za njihove ljubimce. U tom pogledu može se reći da je izložba u potpunosti uspjela, što je naglasio gospodin Hadžić: „Ja sam izuzetno zadovoljan odazivom, atmosferom i posjetom. Vidio sam mnogo lijepih pasa, ali i



Zadnji dan IX Kantonalne izložbe stočarstva u Cazinu



jedan izuzetan sportski duh i odnos među uzgajivačima i vlasnicima, što daje posebnu dimenziju ovoj izložbi.“

Nakon proglašenja pobjednika po kategorijama izabrana su i tri najljepša psa ovogodišnje izložbe. Treće mjesto je pripalo američkom saferskom terijeru vlasnika Alagić Admiru. Na drugom mjestu je bio pas pasmine barak, vlasnika Hambašić Seada, a prvo mjesto na izložbi pasa 2010.godine pripalo je bosanskom tornjaku u vlasništvu Bašanović Hasana.

U ime organizatora svoje zadovoljstvo je iznio i predsjednik Organizacionog odbora Šemsudin Žunić. “Nastavljajući dugogodišnju tradiciju Cazinskog sajma, mi smo se potrudili da i ove godine taj program bude što raznovrsniji. Danas smo prisustvovali izložbi pasa, a u parku smo imali izložbu kućnih ljubimaca, posebno zanimljivu za najmlađe naraštaje. Ovom prilikom se zahvaljujem svim izlagačima, a posebno gospodinu Refetu Hadžiću na stručnom i korektnom suđenju“, rekao je direktor Veterinarske stanice Cazin, gospodin Žunić

Da pobjednici ne odu praznih ruku potrudilo se preduzeće Poljosement d.o.o. Cazin koje je doniralo oko 400 kg hrane za pse.



Trećeg dana „Cazinskog sajma 2010“ na rasporedu je bila izložba krupne stoke. Na žalost jaka kiša je utjecala na odaziv, kako prijavljenih za učešće, tako i posjetilaca. Međutim, može se reći da je izložba u potpunosti uspjela čime se potvrđuje njena tradicija koja traje više od 40 godina.

Treba istaknuti da je ovo jedina izložba ovakve vrste na području F BiH i sigurno ima pretpostavke da preraсте u federalnu.

Kiša je omela organizatore u mnogim segmentima predviđenog protokola, ali i nekih tehničkih detalja, tako da je i komisija imala otežane uslove za rad.

Prvo mjesto u kategoriji krava muzara simentalске pasmine osvojio je Duranović Samir, a u kategoriji junica simentalске pasmine ovu nagradu osvojio je Varcar Nihad. U kategoriji bikova simentalске pasmine nagrada je pripala Semanić Salihu. Vlasnik Čoralčić Zahid je imao najblju ovcu, a Mujadžić Zuhdija najboljeg konja.



Naselje Hum sa novom dionicom asfaltnog puta

Početak mjeseca oktobra mještani naselja Hum u MZ šturlić pamtiće dugo. U njihovom je selu pušten u funkciju novoasfaltirani put.

Prema riječima Abida Bećirevića, riječ je o putnom pravcu čija je realizacija počela još prije 5 godina i uz određene probleme, koji su se uspjeli prevazići, projekat je završen, zbog čega je pohvaljena firma „I-Selimović“. „Projekat ima veliku vrijednost s obzirom da povezuje dvije općine, a ukupna dužina puta iznosi 1.400 m, širina 5 m, a finansijska vrijednost je 300.000,00“ KM, rekao je gospodin Bećirević, predsjednik građevinskog odbora.

Općinski načelnik je naglasio da svaki završetak i svečano otvaranje puta imaju višestruk značaj, sa jedne strane to je dokaz da se radi o kontinuitetu realizacije projekata, a sa druge strane to je podsticaj svima koji misle i planiraju pokrenuti neke slične projekte da istraju u svojoj namjeri. Uz prisustvo velikog broja mještana svečanu vrpću su zajedno presjekli općinski načelnik i predsjednik građevinskog odbora.



Novi put u MZ Stijena

U MZ Stijena puštena je u funkciju novoasfaltirana dionica puta, koja spaja naselje Zmajevac sa Podgredinom. Kako je i naglasio općinski načelnik Nermin Ogrješević značaj ovog puta leži upravo u činjenici što spaja ova dva naselja. „Završetkom ove dionice možemo zaključiti da je ovo područje završeno u komunikacijskom smislu, a višegodišnji napori na rješavanju putne infrastrukture su urodili plodom“, rekao je načelnik Ogrješević.

Jedan od mještana koji je uložio najviše truda u ovaj projekat jeste predsjednik građevinskog odbora Mustafa Sivić, koji se zahvalio svima na nesebičnom doprinosu u realizaciji ovog putnog pravca. Dužina puta iznosi 400 m, a njegova ukupna finansijska vrijednosti je 70.000,00 KM.



Otvor puta u Liskovcu

Mještani naselja Delanovići, u MZ Liskovac, za Bajram su dobili jedan od najljepših poklona lokalne vlasti.



Naime, svečano je puštena u rad završena dionica puta koja ovo naselje povezuje sa preostalim dijelom MZ-e i okolnim naseljima.

Predsjednik građevinskog odbora Huse Delanović je rekao da bez podrške općine i Komunalno-stambenog fonda ne bi priveli kraju ovaj zahtjevan finansijski projekat. Ukupna dužina puta je 1.120 m, a njegova vrijednost 151.000,00 KM.

Put je, svečanim presjecanjem vrpce otvorio načelnik Nermin Ogrješević zajedno sa mještatinom Smajom Delanovićem, koji je i najveći pojedinačni donator u realizaciji ovog projekta.

Novi putni pravac Džehveruša-Šišići

U MZ Ćoralčići svečanim presjecanjem vrpce pušteno je u funkciju novih 1.400 m asfaltnog puta. Radi se o putnom pravcu Džehveruša-Šišići čija je realizacija počela još prije tri godine. Kako je istakao predsjednik građevinskog odbora Hašim Šišić, uz manje probleme u toku implementacije, uspjeli su dovesti projekat do kraja. "Ukupna vrijednost projekta je oko 225.000,00 KM, a nadamo se da ćemo uspjeti nastaviti projekat u pravcu spajanja na magistralnu cestu, za



šta nam je preostalo još 940 m", rekao je gospodin Šišić.

Općinski načelnik Nermin Ogrješević je naglasio da implementacija ovog i sličnih projekata zahtjeva prije svega upornost i istrajnost onih ljudi koji se stave u funkciju organizovanja mještana i koordinacije sa Općinom i Komunalno-stambenim fondom. „Zbog toga uspješan završetak ovakvog projekta predstavlja radost za sve nas koji smo pratili njegovu realizaciju od samog početka do kraja“, riječi su načelnika Ogrješevića.

Put su u funkciju pustili općinski načelnik i predsjednik građevinskog odbora.



Za Dan općine svečano otvorena dva nova puta



Postaje već uobičajena praksa da se u okviru obilježavanja Dana općine kao poklon gradu za rođendan završi neki od infrastrukturnih projekata. Tako je juče u MZ Donja Koprivna svečano obilježen završetak dva putna pravca, koji su značajni zbog povezivanja naselja ove mjesne zajednice.

Prema riječima predsjednika građevinskog odbora, Toromanović Esada, put Hirkići-Pivnice približava mještane ovog naselja centru MZ-e i samim tim ubrzava i komunikaciju prema Cazinu. Dužina ovog putnog pravca je 230 m, a ukupna vrijednost 50.000,00 KM.

Drugi putni pravac-Klanac izlazi na putnu komunikaciju koja spaja dvije Koprivne, ukupne dužine 390 m i vrijednosti 73.000,00 KM.

Otvarajući ove infrastrukturne projekte općinski načelnik je čestitao mještanima na njihovom doprinosu i učešću u finansiranju. „Zaokružili smo jedan ciklus izgradnje putne infrastrukture na ovom području i naš cilj je obezbjeđenje istih uslova mještanima na području cijele općine. Opredjeljeni smo da i dalje zajednički radimo na ovakvim i sličnim projektima,“ rekao je načelnik Ogrješević.

Predsjednik MZ-e Donja Koprivna, Vehbija Omerčević, zahvalio se svima koji su doprinijeli realizaciji ovih projekata i naglasio da je još nekoliko putnih projekata u procesu izgradnje, kao i rekonstrukcija dijela niskonaponske mreže. Naravno, nezaobilazna tema u ovoj MZ-i jeste i izletišta Krčane, za koje su se svi složili da ima širi značaj i samim tim stvara interes i potrebu ulaganja u izgradnju kvalitetnih kapaciteta koji će odgovarati jednom takvom izletištu.

▶ Nova dionica puta u MZ Šturlić

Naselje Hadžića brdo, koje pripada MZ Šturlić, 01.10.2010.godine je dobilo novu dionicu puta. Prema riječima Refika Bećirevića, predsjednika građevinskog odbora, radi se o jednom od najbitnijih infrastrukturnih projekata za ovo naselje i dodao: "Ukupna dužina ovog putnog pravca je oko 1.800 m, a u ovoj fazi je urađeno 610 m ukupne finansijske vrijednosti od 96.000,00 KM. Bitno je naglasiti da je učešće u realizaciji ovog projekta uzelo i 26 domaćinstava ovog naselja."

„Još jedan put na području MZ Šturlić je završen i predat na upotrebu našim građanima. Naglašavam da idemo dalje, jer su se građani u nekim naseljima već organizirali, radi se projektne dokumentacija, što znači da će se kontinuitet u implementaciji infrastrukturnih projekata nastaviti i dalje“, rekao je općinski načelnik.

Put su svečanim presjecanjem vrpce u funkciju pustili načelnik Nermin Ogršević i predsjednik građevinskog odbora Refik Bećirević.

Novi putni pravac u MZ Cazin



Kraj mjeseca jula obilježen je završetkom još jednog infrastrukturnog projekta na području naše općine. Riječ je o putnom pravcu Klisa-Strane u MZ Cazin. Dužina ovog puta je 350 m, ukupne vrijednosti cca 50.000,00 KM. Možda ne toliko značajan projekat po svom obimu, ali s obzirom na činjenicu da je riječ o dionici kojom je u potpunosti završeno asfaltiranje u ovom naselju, što je označilo njegovu dodatnu urbanizaciju, približavanje samom centru grada i sl., onda se njegova realizacija smatra izuzetno važnom.

„Možemo reći da imamo kvalitetnu alternativnu putnu komunikaciju blizu centra grada i naravno da ćemo nastaviti i dalje aktivnosti na poboljšanju infrastrukture i kvaliteta života naših sugrađana“, rekao je načelnik Ogršević na svečanosti povodom otvaranja ove dionice puta.



Ono što je do prije par godina bilo nezamislivo postala je stvarnost mještana ovog naselja, koji nisu krili svoju radost i zadovoljstvo. Veliki broj okupljenih mještana je ovaj skup pretvorio u zasluženo narodno veselje.

Otvoreni putevi u

MZ Mutnik i MZ Šturlić



Jaka kiša nije spriječila mještane dva cazinska naselja da 26.09.2010. godine svečano obilježe završetak asfaltiranja puteva u njihovim mjesnim zajednicama. Naime u MZ-i Mutnik otvoren je prvi dio puta „Marin most“. Ovo područje je dosta rijetko naseljeno, ali su se mještani i pored toga maksimalno uključili u realizaciju projekta. **„Dužina ove dionice puta iznosi 1.306 m, a koštala je oko 200.000,00 KM“**, rekao je Enes Čajić, predsjednik građevinskog odbora.

Svečanim presjecanjem vrpce, put su u funkciju pustili jedan od mještana ovog naselja Šerif Nuhanović i općinski načelnik. **„Putna komunikacija preko područja**

„Marina mosta“ posebno je značajna, jer se čitavo područje Tr.Raštela i Gate približava samom gradu Cazinu za preko 10 km. Finansijsku podršku smo dobili preko projekta IFAD-a, ali tu su i naša dodatna ulaganja, kao i maksimalan doprinos građana,“ rekao je općinski načelnik Nermin OGREŠEVIĆ.

Slično vrijeme uz kišu pratilo je i svečanost u naselju Crnaja, koje pripada MZ-i Šturlić. Predsjednik građevinskog odbora, gospodin Džehverović Mirsad, sretan je i zadovoljan zbog realizacije ovog projekta: **„Danas smo svečano pustili u funkciju put čija je izgradnja počela još 2006.godine. Dužina puta je 1.500 m, a ukupna vrijed-**

nost 277.000,00 KM od čega su mještani izdvojili 115.000,00 KM, a ostatak općina Cazin putem Komunalno-stambenog fonda“, rekao je gospodin Džehverović.

Načelnik općine je i ovaj putni pravac pustio u funkciju zajedno sa najmlađim prisutnim mještanima. Nakon toga je naglasio važnost izgradnje putne infrastrukture, koja prethodi realizaciji mnogih drugih projekata, neophodnih za poboljšanje kvaliteta života mještana ove MZ-e, a koji će se raditi u narednom periodu.



Naselje Čatakovići dobilo novu rasvjetu

Iako ne tako velik po obimu i finansijskoj vrijednosti projekat rasvjete u naselju Čatakovići, izuzetno je važan na ovoj prometnoj komunikaciji.

Općinski načelnik Nermin Ogrješević je rekao da smo „uz obnovu nisko-naponske mreže u ovom naselju MZ Polje uspješno završili i projekat rasvjete, čime je ustvari završen projekat koji je bio na listi prioriteta za ovu MZ-u“. Okupljeni građani su izrazili zadovoljstvo zbog



završetka ovog projekta, naročito kada je u pitanju nadolazeća zima i kasni povraci najmlađih mještana ove MZ-e iz škole.

Jedan od članova savjeta MZ-e Polje, Amir Mehmedović, objasnio je da se radi o projektu čija je ukupna vrijednost 9.000,00 KM i da je ovo samo dio onoga što je MZ Polje uradila u prethodnom periodu.



Gornji Čoralići dobili rasvjetu

U naselju Gornji Čoralići, koje pripada istoimenoj MZ, u funkciju je pušten još jedan projekat koji će unaprijediti kvalitet života ovdašnjim mještanima. Riječ je o projektu rasvjete koji će posebno djeci i školarcima u večernjim satima olakšati kretanje i povratak iz škole. Kako je rekao općinski načelnik, svaki projekat ma koliki bio po obimu i vrijednosti ima svoj značaj za naše građane, posebno ukoliko im olakšava svakodnevni život.

„Akcija je počela prije nekoliko mjeseci, a zahvaljujući organiziranosti naših sugrađana uspjeli smo da uz rekonstrukciju NNM, riješimo i rasvjetu za ovo naselje. Ukupna vrijednost projekta iznosi 14.700,00 KM, od čega je 50% finansirala općina Cazin putem JU „Komunalno-stambeni fond“, a ostalih 50% su sredstva mještana ovog naselja“, rekao je Edin Žunić, predsjednik MZ Čoralići.



Završena rasvjeta u MZ Gnjilavac



U MZ-i Gnjilavac puštena su u funkciju tri projekta ulične rasvjete, čime je ovo područje spojeno sa gradskom rasvjetom u ulici Murata Tatarevića.

Općinski načelnik je okupljenim mještanima govorio o značaju ovog projekta. „**Vrijeme će pokazati da se radi o projektu od velikog značaja, čime će se povećati sigurnost pješaka, a posebno školaraca. Naši planovi idu i u pravcu izgradnje trotoara od centra do Gnjilavca i izgradnje trotoara Jošani-Havin Most, koji planiramo raditi u saradnji sa Direkcijom za ceste**“, rekao je načelnik Ogršević i zvanično pustio u rad rasvjetu za ovu MZ-u.

Kako je istaknuo predsjednik građevinskog odbora, Kasim Durić, riječ je o jednom u nizu projekata koji će unaprijediti uslove života na ovom području i urbano ga uljepšati. „**Treba napomenuti da je ovaj projekat obuhvatio naselja Durići u vrijednosti od 15.000,00 KM, zatim Jošani, čija je vrijednost 28.000,00 KM i Gnjilavac, u ulici „Murata Tatarevića“, u iznosu od 18.000,00 KM**“, rekao je gospodin Durić.



Načelnik primio članove PK „Enigma“

Nedavno održano državno prvenstvo u Posušju, na kome su članovi cazinskog plesnog kluba „Enigma“ ostvarili zavidne rezultate, bio je povod današnjeg prijema u kabinetu načelnika općine. Kao jedan od najmlađih plesnih klubova na prostorima BiH, uspjeli su ostaviti značajan utisak, po kome se nakon samo godinu i po dana postojanja, vidjela ozbiljnost njihovog rada i treniranja.



Susretu su prisustvovali i predsjednik ovog kluba, gospodin Elvis Mulalić, trenerica Suzana Sabljaković i roditelji plesnih parova koji su osvojili medalje na ovom takmičenju. Najbolji rezultat su ostvarili Zinedin Račić i Danina Omanović, koji su osvojili titulu državnih prvaka u kategoriji juniora. Još jedan mladi plesni par osvojio je visoko 4.mjesto u kategoriji juniora 2, a riječ je o Harisu Pozdercu i Evelini Kajtazović. Dugogodišnji plesni par, Tarik Kapić i Alma Badić osvojili su prestižno 6.mjesto u kategoriji omladinaca, gdje su se takmičili sa parovima internacionalnog iskustva.

Načelnik Ogršević je obećao i dalje pružati podršku ovom klubu i njegovim članovima. Prema njegovim riječima: „**Jedino kroz organiziran pristup i iskrenu posvećenost sportu, možemo ostvariti ovakve rezultate. Čestitam našim plesnim parovima na velikom uspjehu, njihovim roditeljima na predanom učesću i trenerima na odlično obavljenom poslu.**“



Dodijeljene stipendije sportistima općine Cazin

Nakon što su nedavno podijeljene stipendije za studente, općina Cazin i Sportski savez su obezbijedili sredstva za dodatnih 17 stipendija sportistima. Ovo je već druga godina subvencioniranja uspješnih sportista na području naše općine. Ukupan iznos sredstava za stipendije je 7.000,00 KM, od čega će biti dodijeljeno 7 stipendija po 500,00 KM i 10 stipendija u iznosu od 250,00 KM.

Pored ovih simboličnih stipendija dodijeljene su i 2 jednokratne novčane pomoći nadarenim studentima, koje je Sportski savez izdvojio iz granta predviđenog za ovakve slučajeve. Imena naših najviše nagrađivanih sportista su Ajla Topić i Isak Abdagić, kojima ovom prilikom upućujemo posebne čestitke i nadamo se da će i dalje uspješno predstavljati općinu Cazin.

Ugovori su potpisani u kabinetu načelnika općine uz prisustvo roditelja i predstavnika Sportskog saveza. Prema riječima prvog čovjeka naše općine ovo je samo jedan od vidova pomoći koje općina pruža sportistima. „**Velika novčana sredstva općina izdvoja za razne sportske manifestacije i takmičenja, pojedinaca i ekipa, a ulaže i značajne napore za izgradnju sportskih terena u mjesnim zajednicama na području naše općine**“, istaknuo je načelnik Ogršević.

Ovogodišnji dobitnici sportskih stipendija su: Abdagić Isak, Ljubijankić Adem, Čataković Jasmina, Velić Ilijaš, Halilović Haris, Haskić Haris, Porobić Fahrudin, Tatarević Almir, Durdžić Sajdina, Begić Elvedin, Draganović Elma, Kličić Senadin, Čoralić Belma, Porčić Melisa, Topić Ajla, Topić Ajna i Kličić Sabira.

Novi Projekat Sportskog saveza i Društva pedagoga općine Cazin



Sportski savez općine Cazin je pokrenuo Projekat uključivanja djece mlađih uzrasta u sportske aktivnosti i takmičenja. Tim povodom je u ponedjeljak, 14.06.2010.godine održano takmičenje u fudbalu, trčanju i slobodnom bacanju na koš svih osnovnih škola, uključujući i područne. Učešće je obuhvatilo

djecu uzrasta do 5-og razreda, a svaka škola je prijavila po jednu ekipu. Ova vrsta takmičenja se održava prvi put, ali je zamišljena kao dugoročna aktivnost Sportskog saveza koju realizira Društvo pedagoga, što znači da će svoj nastavak imati i iduće godine.

Uspješnim ekipama OŠ Cazin I, područnih škola Slatina i Majetići dodijeljeni su pehari i diplome za najbolje nogometne ekipe ovog takmičenja. Najbolje takmičarke u slobodnom bacanju na koš bile su: Azinović Sandra, Silić Adželisa, Čović Sanela koje su dijelile drugo mjesto i Mesic Dalila.

Trčanje na 30 metara je donijelo 6 pobjednika. Rang lista djevojaka je slijedeća: Čović Sanela, Mesic Dalila i Džinović Harisa. Dok je s druge strane u muškoj kategoriji pobjedu odnio Semanić Edwin, drugo mjesto Delalić Ismail i treće Beganović Samir.

Malonogometna ekipa SSRI Cazin ponovo državni prvak

U septembru je Bugojno bilo domaćin državnog prvenstva invalidnih lica u malom nogometu. Učešće na ovom takmičenju je prijavilo 7 ekipa iz 5 kantona. Cazinska ekipa je bila nosioc grupe 1 u kojoj su još igrali Goražde i druga ekipa Srednjobosanskog kantona. U polufinalu, naši vrijedni momci su pobijedili ekipu Zenice rezultatom 2:0, a u finalu su savladali susjede iz Bihaća sa 5:3.

Svojom borbenošću i sportskim duhom, šesti put su postali državni prvaci i dobili pehar u trajno vlasništvo. Da im to nije bilo dovoljno, pokazuje i titula za najboljeg igrača turnira, koja je također otišla u Cazin, a pripala je Felić Samiru.

Ovim putem iskreno čestitamo ekipi SSRI Cazin i želimo im mnogo uspjeha i u budućem radu.

Memorijalni turnir „Alija Izetbegović“ u Cazinu

Cazin je 22. i 23. oktobra 2010. godine bio domaćin VI Memorijalnog malonogometnog turnira „Alija Izetbegović 2010“. Turnir se organizuje pod motom „sjećajmo se s ponosom“ povodom 19.oktobra, godišnjice smrti Alije Izetbegovića, prvog predsjednika Predsjedništva Republike Bosne i Hercegovine.


Ovaj turnir je već poprimio i internacionalni karakter s obzirom na učešće ekipa iz Hrvatske, Slovenije i Austrije. Kvalifikacijske utakmice se održavaju u nekoliko bosanskohercegovačkih gradova, a domaćin završnice je MNK „Bubamara“ Cazin. U grupi A igrali su, pored domaćina još i FC „Dijamant“ iz Linza, Općina Ilijaš, MNK „Riva“ Piran, dok su u grupi B igrali: FC „Stripy“ Škofija Loka, MNK „Mostar“ iz Mostara, SG HP „Investing“ Mostar, MNK „Croatia 95“ Karlovac i MNK „Banovići“ iz Banovića.

Prvog dana turnira ekipe su posjetile centralno šehidsko obilježje u Cazinu, a nakon toga je održana i svečana ceremonija otvaranja. Načelnik općine Cazin Nermin Ogrješević otvorio je ovaj turnir i rekao da je „**zaista veliko zadovoljstvo biti domaćin ovakvog sportskog događaja. Sjećajmo se s ponosom jednog velikog državnika, velikana bosanskohercegovačke historije i koristimo priliku za međusobno bolje upoznavanje.**“ Izrazio je i nadu da će učesnici bolje upoznati Cazin i sa sobom ponijeti lijepe utiske i uspomene.

Nakon prvog dana i kvalifikacijskih utakmica u subotu su odigrani polufinalni i finalni susreti, kao i utakmica za treće mjesto. Prvo mjesto na ovom turniru pripalo je timu SG HP „Investing“ Mostar, drugu titulu je ponijela ekipa FC „Dijamant“ iz Linza, treće mjesto zauzela je domaća bh. ekipa iz Banovića i četvrto općina Ilijaš.

Promocija knjige ■ "U spirali propadanja"

Dana 21. jula 2010. godine u Domu kulture općine Cazin održana je promocija knjige Safeta Čurtovića pod nazivom "Historijski prazno vrijeme I (2005-2007)-U spirali propadanja". Autor knjige je dugogodišnji novinar i pisac rodom iz Bihaća, koji se ovim poslom bavi još od davne 1967. godine. Bio je direktor i urednik Radio Bihaća, direktor i urednik Krajine, radio u Regionalnom SIZ-u za kulturu, pokrenuo ratni list "Bosna" (Slobodna Bosna), koji kasnije dobija naziv Krajina i bavio se pisanjem cijeli svoj radni vijek.



"On će poput Turgenjeva, u njegovoj poznatoj priči SAN, maestralno, pomalo fragmentarno, opisati tumaranje lokalne političke elite za sopstvenim identitetom. Dosegnuvši najviše političke i materijalne kote sopstvene egzistencije, kroz politiku "ratnih zasluga", korupcije, nepotizma i kriminala, nove političke elite posegnuće za konceptom apsolutne kontrole društvenih procesa, kroz uspostavljanje primitivne diktature elita, koje su, najvećim dijelom, regrutirane iz marginaliziranih socijalnih i političkih segmenata ruralnog obodnog okruženja, bez ikakvog kulturnog, nacionalnog ili vjerskog backgrounda", napisao je prof.dr.Nedžad Bašić u recenziji ove knjige.



Nova knjiga Muhameda Mahmutovića ■

Početak oktobra u Domu kulture općine Cazin održana je promocija knjige „Inat bosanskog goluba“, autora Muhameda Mahmutovića. Promociju je uvodnim riječima otvorio načelnik općine Nermin Ogršević, koji je ujedno i pokrovitelj ovog kulturnog događaja. Prema njegovim riječima vrijednost knjige se ogleda u istinitom pripovijedanju priča koje su obilježile živote Bošnjaka. „*Zbog toga, ali i zbog vrijednog i marljivog pristupa u realizaciji ove knjige, čestitam gospodinu Mahmutoviću na izuzetno važnom i vrijednom djelu koje će obilježiti historiju stradanja na ovim prostorima*“, rekao je načelnik Ogršević.

Promotori su bili gospoda prof.dr. Sulejman Kendić i prof.dr. Fuad Sedić. Istaknuli su najvažnije korake u životu i djelu autora, kao i metodologiju kojom je ovo djelo stvarano. Rekli su da svako kome je stalo do njegove budućnosti, mora obratiti pažnju na vlastitu prošlost.

Čitanjem zanimljivih odlomaka iz knjige smjenjivale su se riječi uvodničara i posjetilaca, što je ovom događaju dalo posebnu patinu i skrenulo pozornost na važnost pisane riječi u mjesecu oktobru, koji se obilježava kao mjesec knjige.



Usklađivanje podataka zemljišne knjige i katastra zemljišta

Evidentni su problemi neusklađenosti zemljišne knjige i katastra zemljišta, kako u cijeloj zemlji tako i u našoj općini. Korijeni neusklađenosti katastra zemljišta i zemljišnih knjiga sežu u period pedesetih do osamdesetih godina prošlog stoljeća, kada je u našoj zemlji započela aerofotogrametrijska izmjera, na osnovu koje je uspostavljen katastar zemljišta. Umjesto da se ove dvije evidencije spoje i da se zemljišna knjiga ažurira, nastale su dvije odvojene evidencije, koje su se razvijale nezavisno jedna od druge te se svakim danom stvarao sve veći jaz između zemljišne knjige i katastra.

Osamdesetih godina, tačnije 1984. godine, kad je evidentiran ovaj problem neusklađenosti, odgovorilo se donošenjem Zakona o promjeru i katastru nekretnina. Ovim zakonom se predviđjela uspostava jedinstvene eviden-

cije zvane katastar nekretnina. Nakon donošenja ovog zakona uslijedile su velike aktivnosti na polju katastarskog promjera i uspostavljanja katastra nekretnina.

U našoj općini isti je uspostavljen i to za pet katastarskih općina: Donja Koprivna, Gornja Koprivna, Ljubijankići, Ponjevići i Lidani. Međutim nastali su svojevrсни problemi u samoj proceduri, jer posao nije završen do kraja, zbog čega nije ni došlo do stvaranja jedinstvene evidencije. U međuvremenu 2002. godine Visoki predstavnik za BiH nameće Zakon o zemljišnoj knjizi, nakon čega se napušta koncept katastra nekretnina kao jedinstvene evidencije i vraća se na dualni koncept, odvojenih evidencija. Ovim Zakonom nadležnost za usklađivanje podataka se daje sudovima, a ne katastru, kao što je to bilo u konceptu katastra nekretnina.

Danas postoji način tzv. harmonizacije podataka zemljišne knjige i katastra zemljišta. U našoj zemlji u toku su prvi takvi projekti. Pionirski projekat harmonizacije započeo je u Gradačcu i Čapljini i još uvijek traje. Naša općina se aktivno uključila u praćenje realizacije ovog projekta, jer nam je cilj da se i kod nas usklade ovi podaci. Međutim, da bi ovaj projekat bio ostvariv potrebna je saglasnost i volja suda, te digitalni katastarski plan. Zbog svega toga, naša općina je 18. augusta ove godine potpisala ugovor za digitalizaciju katastarskih planova i trenutno je u toku njihova izrada.

Digitalni katastarski plan će omogućiti izdavanje podataka iz katastarskog operata odmah po podnošenju zahtjeva. Istovremeno će se skratiti vrijeme provođenja promjena u katastru. Time se nadamo da će naše usluge biti brže, jednostavnije i da će građani i dalje imati veliko povjerenje u rad organa uprave Općine Cazin.

Dragi moji sugrađani, prijatelji i saradnici

Nakon 6 godina rada u općini Cazin i velikog broja realiziranih projekata i ideja, smatram da smo uspješni ostvariti značajan doprinos u razvoju kapaciteta, infrastrukture, usluge i planiranja za potrebe svih stanovnika.

Cilj nam je bio postići kvalitet u međusobnom odnosu sa svojim ciljnim korisnicima, podići nivo participacije građana u procesima zajedničkog odlučivanja i izgradnje. Potrebna nam je jaka privreda, još jača poljoprivreda i najjači ljudski resursi kako bismo od ove sredine napravili ono što je dugoročna vizija razvoja općine Cazin.

Sve to, ali i puno više, možemo napraviti udruženim snagama, međusobnom podrškom i nesebičnim razumijevanjem. Zato pozivam sve građane općine Cazin da u 2011. godini damo svoj makimalan doprinos u društveno korisnim procesima i postanemo primjer uspješne lokalne zajednice. Zbog toga se nadam da će naredna godina svima donijeti puno uspjeha na privatnom planu, puno sreće u životu i vjere u bolje sutra.

Positivan trend razvoja ostvaren u prethodnom periodu, biće naša vodilja i za buduće projekte.

Zato neka nam je svima sretna i uspješna 2011.godina.

Neka nam početak nove decenije donese više zdravlja, duševnog rahatluka i ljudske dobrote kako bi pobijedili sve nastupajuće bitke.

SRETNAM SVIMA NOVA 2011. GODINA

Vaš načelnik

Nermin Ogrješević, dipl.ecc.



Tehnički podaci

Izdavač: općina Cazin

Urednik: Irma Alićajić, dipl.pol.

Autorski tim:

Eldin Sadiković, dipl. ing. geod.

Irma Alićajić, dipl.pol.

Hamdija Ljubijankić, prof.

Suad Rošić, dipl.ecc

Lektor: EVRON d.o.o. Banja Luka

Dizajn: EVRON d.o.o. Banja Luka

Štampa: GRAFIS d.o.o. Cazin